



雅音會編序

詩之學尚矣三百篇之後莫盛於唐若楊士弘之選

唐晉周伯弼之選三體與夫遺山鼓吹高棟正聲唐

詩選光徽英華等集是皆披沙揀金至為精密梓行


於世久矣世之學詩者無不宗之蓋以其備十料全

四則該二十四品具一十九體家法正大非後世能

為之士所能及也然其所編音韻各出暨李杜韓詩

不在選列初學之士欲一覽而周焉未免有得此失

彼之患予於案牘之暇手錄諸先正所選之詩李杜



韓三家集特取其五言七言絕律凡如千首各以本韻會最為一名曰雅音會編釐為十有二卷藏之巾笥姑以私便檢閱而已天順癸未春余按清漳暇日出以示諸校官之知詩者令其拾遺補誤因復余曰是編之作提韻以舉其綱分類以詳其目披覽之次如閩府庫奇珍異貨井布條列使人應接不暇其嘉惠後學之心至溥矣盍壽諸梓與四方學者共之不幾於仁者之用心乎予耳其言有理肆俾求善本正謠繕寫成帙用毀諸梓以廣其傳是亦表章先賢之

珠玉非敢妄有僭竊於斯也雖然諸家之音舂容渾厚清新俊逸皆發於性情之正三百篇之遺意藹然尚存非後世爭妍鬪靡者之可比也嘗於退食之餘或涵或咏如作咸英如奏韶護不覺夫性情之舒且悅也吁詩之為用大矣哉若夫編選去取之嚴審音辨律之密則有諸先正謹之於前非予所敢議也然初學之士或有取焉亦未必無小補云

天順癸未春三月既望

雅音會編詩集後序

雅音會編者閩臬僉憲五羊康先生之所集次也先生性嗜吟每於柏臺清暇日開閣熏爐博取諸家選唐詩涵濡諷詠喜不去手及枕藉熟觀李杜韓詩殊有所得但未憚其音韻成類艱於檢閱因手錄揚伯謙所選唐音取五七言律絕仍分始音正音遺響而足之以青蓮工部昌黎三家集及周伯弼遺山高棟許仲孚章泉礪泉諸選以一東二冬等三十韻分布以提其綱取詩之同韻者以類從類而詳其目名曰雅音會編凡有二三卷總詩三千八百餘首先生按

清漳日出以示鈍俾刊訛誤捧稿披閱數四則知各韻所載衆則畢備其間四鍊五法七德六義倘犯蹉對假對雙聲疊韻與夫正格偏格句法句眼之類一覽而舉在目前其為後學啓蒙者多矣是編之作不濕伯謙音律編次而又增入諸家所選而不沒其名及錄李杜韓詩皆伯謙所未克選者可謂能取人之善而揚之矣其光明不蔽而有功於來學也大矣哉先生不以諸家全集薈藪而所錄特先正經選者其謙德之意又未肯遽有去取於斯焉孔子曰述而不

作嗚呼百哉顧鈍少且賤何敢與議此也特慮其傳之不永請壽諸梓因以後序見囑鈍喜斯集之有遇也遂忘其固陋而樂為之書

天順癸未夏四月既望漳州府儒學訓導後學剡溪王鈍希敏謹序

奉政大夫福建等處提刑按察司僉事羊城康麟文瑞識

雅音會編總目

上平聲

一東

五言絕句一十一首 五言律詩六十五首

五言排律二十八首 七言絕句四十首

七言律詩七十七首 七言排律一首

二冬

五言絕句三首 五言律詩二十一首

五言排律三首 七言絕句一十四首



七言律詩二十二首

三江

五言絕句三首

五言律詩二首

七言絕句一首

七言律詩三首

四支

五言絕句二十三首

五言律詩一百首

五言排律一十九首

七言絕句五十八首

七言律詩六十四首

五微

五言絕句二十七首

五言律詩八十首

五言排律一十一首

七言絕句三十四首

七言律詩七十七首

六魚

五言絕句四首

五言律詩三十六首

五言排律一十首

七言絕句一十四首

七言律詩二十八首

七言排律一首

七虞

五言絕句二首

五言律詩一十五首

五言排律一十一首
七言絕句一十四首
七言律詩一十四首
七言排律一首

八齊

五言絕句一十二首
五言律詩三十一首
五言排律七首
七言絕句二十六首
七言律詩二十九首
七言排律一首

九佳

七言律詩二首

十灰

五言絕句一十七首
五言律詩六十二首
五言排律二十二首
七言絕句五十六首
七言律詩七十一首

十一真

五言絕句三十三首
五言律詩九十三首
五言排律二十八首
七言絕句六十五首
七言律詩七十四首

十二文

五言絕句八首
五言律詩五十三首

五言排律三首

七言絕句二十二首

七言律詩三十三首

十三元

五言絕句一十四首

五言律詩四十四首

五言排律一十二首

七言絕句二十一首

七言律詩一十九首

十四寒

五言絕句一十首

五言律詩四十首

五言排律五首

七言絕句二十四首

五言絕句一十七首

五言律詩六十二首

五言排律二十二首

七言絕句五十六首

七言律詩七十一首

十一真

五言絕句三十三首

五言律詩九十三首

五言排律二十八首

七言絕句六十五首

七言律詩七十四首

十二文

五言絕句八首

五言律詩五十二首

五言排律三首

七言絕句二十二首

七言律詩三十三首

十三元

五言絕句一十四首

五言律詩四十四首

五言排律一十二首

七言絕句二十一首

七言律詩一十九首

十四寒

五言絕句一十首

五言律詩四十首

五言排律五首

七言絕句二十四首

七言律詩四十二首

十五刪

五言絕句一十四首

五言律詩二十三首

五言排律六首

七言絕句二十九首

七言律詩二十首

下平聲

一先

五言絕句一十九首

五言律詩一百零九首

五言排律二十二首

七言絕句四十四首

七言律詩八十七首 七言排律二首

二蕭

五言絕句一十首 五言律詩二十九首

五言排律一十四首 七言絕句二十首

七言律詩二十二首

三爻

五言律詩二首 五言排律一首

七言絕句一首 七言律詩二首

四豪

五言絕句六首 五言律詩一十三首

五言排律六首 七言絕句六首

七言律詩二十首

五歌

五言絕句九首 五言律詩五十二首

五言排律七首 七言絕句二十首

七言律詩三十四首

六麻

五言絕句一十三首 五言律詩四十七首

五言排律四首
七言絕句五十五首

七言律詩四十二首

七陽

五言絕句三十首
五言律詩八十一首

五言排律二十三首
七言絕句四十四首

七言律詩八十二首

八庚

五言絕句二十五首
五言律詩一百二十首

五言排律二十五首
七言絕句五十九首

七言律詩一百單五首

九青

五言絕句三首
五言律詩三十一首

五言排律四首
七言絕句一十二首

七言律詩一十五首
七言排律一首

十蒸

五言絕句四首
五言律詩一十一首

五言排律三首
七言絕句六首

七言律詩一十一首

十一九

五言絕句二十六首

五言律詩六十四首

五言排律一十五首

七言絕句六十四首

七言律詩一十五首

七言排律二首

十二侵

五言絕句一十一首

五言律詩七十八首

五言排律一十四首

七言絕句一十四首

七言律詩四十四首

十三覃

五言律詩四首

五言排律一首

七言律詩五首

十四鹽

五言絕句一首

五言律詩五首

七言絕句一首

七言律詩二首

十五咸

五言排律一首

雅音會編總目終

雅音會編卷之一

上平聲

一東

五言絕句

正音

鳥鳴磻

人閑桂花落夜靜春山空月出驚山鳥時鳴春磻中

王維

羊城康麟文瑞集次
後學剡溪王鈍校正



江南曲

儲光羲

綠江深見底高浪直翻空慣是湖邊住舟輕不畏風

酬李益

盧綸

戚戚一西東十年今始同可憐歌酒夜相對兩衰翁

宿潭上

暢當

夜潭有仙舸與月當水中佳賓愛明月遊子驚秋風

石井

錢起

片霞照仙井泉底桃花紅那知幽石下不與武陵通

留別盧秦卿

司空曙

知有前期在難分此夜中無將故人酒不及石芥風

故行宮

王建

寥落古行宮宮花寂寞紅白頭宮女在閑坐說玄宗

遺響

班婕妤

崔道融

寵極辭同輦恩深棄後宮自題秋扇後不敢怨春風

庭草

曹鄴

庭草根自淺造化無遺功低回一寸心不敢怨春風

漁家

高蟾

野水千年在閑花一夕空
近來浮世狹何似釣舡中

李集

夏日山中

懶搯白羽扇
裸體青林中
脫巾掛壁上
露頂洒松風

五言律詩

始音

贈道士

王勃

霧濃金竈靜
雲暗玉壇空
野花常捧露
山葉自吟風
林泉明月在
詩酒故人同
待余逢石髓
後爾命飛鴻

入秦川界

盧照麟

隴阪長無極
蒼山望不窮
石徑縈疑斷
回流映似空
花開綠野霧
鶯囀紫岩風
春芳勿遽盡
畱賞故人同

春晚山庄率題

顧步三春晚
田園四望通
遊絲橫惹樹
戲蝶亂依叢
竹懶偏宜水
花狂不待風
唯餘詩酒意
當了一中生

在兗州錢宋五

駱賓王

淮尼泗水地
梁甫汶陽東
別路青驪遠
離尊綠蟻空
柳寒凋密翠
棠晚落疎紅
別後相思曲
悽斷入琴風

正音

漢江臨泛

楚塞三湘接荆門九派通江流天地外山色有無中
郡邑浮前浦波瀾動遠空襄陽好風日番醉與山翁

汴路水驛

晚泊水邊驛柳塘初起風蛙鳴蒲葉下魚入稻花中
去舍已云遠問程猶向東近來多怨別不與少年同

遺響

長門怨

崔顥

君王寵初歇弃妾長門宮紫殿青苔滿高堂明月空
夜愁生枕席春意罷簾籠泣盡無人問容華落鏡中

山下晚晴

崔曙

寥寥遠天淨溪路何空濛斜光照踈雨秋氣生白虹
雲盡山色暝蕭條西北風故林歸宿處一葉下梧桐

三體

旅遊傷春

李昌符

酒醒鄉閩遠迢迢聽漏終曙分林影外春盡雨聲中
鳥倦江村路花殘野岸風十年成底事羸馬厭西東

正聲

送魏大從軍

陳子昂

匈奴猶未滅魏絳復從戎
悵別三河道言追六郡雄
鴈山橫岱北狐塞接雲中
勿使燕然上唯留漢將功

奉和聖製途次峽州作

張九齡

馳道當河陝陳詩問國風
川原三晉別襟帶兩京同
後殿函闈盡前旌鴈塞通
行看洛陽陌光景麗天中

送李侍御赴安西

高適

行子對飛蓬金鞭指鉄驄
功名萬里外心事一杯中
虜帳燕支北秦城太白東
離魂莫惆悵看取寶刀雄

烏程水樓番別

皇甫曾

悠然千里去惜此一尊同
客散高樓上帆飛細雨中
川程隨遠水楚思望青楓
共說前期易滄波處處通

岳州宴別潭州王熊

張說

縉雲通省國溝水遶西東
然諾心猶在容華歲不同
孤城臨楚塞遠樹入秦宮
誰念三千里江潭一老翁

類編

巡幸應制

趙彥昭

玉輦下離宮
瓊樓上半空
方巡五年狩
更闢四門聰
井邑觀秦墅
山河念禹功
停鑿番睿作
軒檻起南風

送李太保充渭北節光弼弟

岑參

詔出未央宮
登壇拜摠戎
上公周太保
輔相漢司空
弓抱關西月
旗翻渭北風
弟兄皆許國
天地荷成功

和李侍御涼松滋江

孟浩然

南紀西江闊
皇華御史雄
截流寧皎楫
挂席自生風

僚案爭板鷁
魚龍亦避駉
坐聽白雪唱
翻入棹歌中

寄都官劉員外

章八元

舊宅平津邸
槐陰抵漢宮
鳴騶馳道上
寒日直廬中
白雪歌偏麗
青雲宦早通
悠然一絕技
千里限清風

巫山高

皇甫冉

巫峽見巴東
迢迢出半空
雲藏神女館
雨到楚王宮
朝暮泉聲落
寒暄樹色同
清猿不可聽
偏在九秋中

又

李端

巫山十二峯
皆在碧虛中
迴合雲藏日
霏微雨帶風

猿聲寒過水樹色暮連空愁向高堂宿清秋見楚宮

塞上

王建

旌旗倒北風霜雪逐南鴻夜救龍城急朝焚虜帳空
帶銷金鏃在髮改玉關中尚想羲軒代無人尚戰功

奉女祠

許渾

停車祠聖女涼葉下陰風龍氣石林濕鳥啼山廟空
長眉番桂綠丹臉映蓮紅莫學陽臺伴朝雲暮雨中

題思禪寺上方

劉長卿

上方無日暮雲致隱朦隴遠磬秋山裏清猿古木中

一溪連竹路諸嶺共松風倘許栖林下甘成白首翁

河嶽英靈

奉同賀監林自清酌

華月當秋滿朝軒偃興同淨林新霽入規院小涼通
碎影行筵裏搖花落酒中清宵照愁意併此助文雄

李集

流夜郎至江夏陪長史叔及薛明府宴興

德寺南閣

緝殿橫江上青山落鏡中岸迴沙不盡日映水成空

天樂流香閣蓮舟颺晚風
恭陪竹林宴晉醉與陶公
秋登宣城謝朓北樓

江城如畫裏山曉望晴空
兩水夾明鏡雙橋落彩虹
人煙寒橘柚秋色老梧桐
誰念北樓上臨風懷謝公

宮中行樂詞

盧橘為秦樹蒲萄出漢宮
煙花宜落日絲管醉春風
笛奏龍吟水簫鳴鳳下空
君王多樂事還與萬方同

贈崔秋浦

吾愛崔秋浦宛然陶令風
門前五楊柳井上二梧桐

山鳥下聽事簷花落酒中
懷君未忍去惆悵意無窮

寄上吳王

淮王愛八公携手綠雲中
小子忝枝葉亦攀丹桂叢
謬以詞賦重而將枚馬同
何日背淮水東之觀士風

江夏別宋之悌

楚水清若空遙將碧海通
人分千里外興在一杯中
谷鳥吟晴日江猿嘯晚風
平生不下淚於此泣無窮

在水軍宴韋司馬樓船觀妓

搖曳帆在空清流順歸風
詩因鼓吹發酒為劔歌雄

對舞青樓妓雙鬟白玉童行雲且莫去番醉楚王宮
見野草中有曰白頭翁者

醉入田家去行歌荒野中如何青草裏亦有白頭翁
折取對明鏡宛將衰鬢同微芳似相誚番恨向東風

長信宮

月皎昭陽殿霜清長信宮天行乘玉輦飛燕與君同
更有歡娛處承恩樂未窮維憐團扇妾獨坐怨秋風

杜集

酌盃雲卿

樂極傷頭白更深愛燭紅相逢難袞袞告別意怱怱
但恐天河落寧辭酒盞空明朝牽世務揮淚各西東
哭長孫侍御

道為詩書重名因賦頌雄禮闈曾擢桂憲府舊乘駘
流水生涯盡浮雲世事空唯餘舊臺栢蕭瑟九原中

嚴公廳宴同詠蜀道畫圖得空字

日臨公館靜畫列地圖雄劍閣星橋北松州雪嶺東
華夷山不斷吳蜀水相通興與煙霞會清樽幸不空

洞房

洞房環珮逆作正声王殿起秋風秦地應新月龍池滿
舊宮繫舟今夜遠清瀾往時同萬里黃山北園陵白
露中

秦州雜詩二十首

秦州山城一作北寺勝跡傳是云隗囂宮苔蘚山門古丹

青一作霄野殿空月明垂葉露雲逐度溪風清渭無

情極愁時獨向東

對雪

戰哭一作多新鬼愁吟獨老翁亂雲低薄暮急雪舞

回風瓢棄搏無綵爐存火似紅數州消息斷愁坐正
書空

雨晴

天際外一作秋雲薄從西萬里風今朝好晴景久雨不

妨農塞一作柳行疎翠山梨結小紅胡笳樓上發

鴈入高空

吾宗衛倉曹崇簡

吾宗老孫子質朴古人風耕鑿安時論衣冠與世同
在家常早起憂國願年豐語及君臣際經書滿腹中

寄贈王十將軍承俊

將軍膽氣雄臂懸兩角弓纏結青駝馬出入錦城中
時危未授鉞勢屈難為功賓客滿堂上何人高義同

敬簡王明

葉縣卽官宰周南太史公神仙方有數流落意無窮
驥病思偏秣鷹愁怕苦籠看君用高義恥與萬人同

寄賀蘭二鈿

朝野歡娛後乾坤震蕩中相隨萬里日終作白頭翁
幾歲仍分袂江邊更轉蓬勿云俱異域飲咏幾回同

九日登梓州城樓

伊昔黃花酒如今白髮翁追歡筋力異望遠歲時同
弟妹悲歡裏乾坤醉眼中兵戈與閑塞此日意無窮

秋野

遠岸秋沙白連山晚照紅潛鱗輸駭浪歸翼會高風
砧響家家發樵聲箇箇同飛霜任青女賜被隔南宮

奉荅岑參補闕見贈

窈窕青禁闈罷朝歸不同君隨丞相後我住日華東
冉冉柳枝碧娟娟花藥紅故人得佳句獨贈白頭翁

送斐二虬作尉永嘉

孤嶼亭何處天涯水氣中故人官就此絕境與誰同
隱吏逢梅福遊山憶謝公扁舟吾已就把釣待秋風

春日江村五首

種竹交加翠栽挑爛熳紅經心石鏡月到面雪山風
赤管隨王命銀章付老翁豈知牙齒落名玷薦賢中

秋峽

江濤萬古峽肺氣久衰翁不寐防巴虎全生狎楚童
衣裳垂素髮門巷落丹楓嘗恠商山老兼存翊贊功

向夕

賦孤城外江村亂水中深山催短景喬木易高風
鶴下雲汀近鷄栖草屋同琴書散明燭長夜始堪終

上巳日徐司錄林園宴作

鬢毛垂領白花藍亞枝紅歌倒衰年廢招尋令節同
薄衣臨積水吹面受和風有喜番攀桂無勞問轉蓬

社日二首

陳平亦分肉太史竟論功今日江南老他時渭北童
歡娛看絕塞涕淚落秋風鷓鴣迴金闕誰怜病峽中

巫峽弊廬奉贈侍御四舅別之澧朗
江城秋日落山鬼閉門中行李流吾舅誅茅問老翁
赤眉猶世亂青眼只途窮傳語桃源客今人出處同
王十五前閣會

楚岸收新雨春臺引細風情人來石上鮮鯽出江中
隣舍煩書禮肩輿強老翁病身虛俊味何幸飲兒童
老病

老病巫山裏稽留楚客中藥殘他日叢花發去羊叢
夜足露沙雨春多逆水風外分雙賜筆猶作一飄風

客亭

秋窓猶曙色木落更天風日出寒山外江流宿霧中
聖朝無棄物老病已成翁多少殘生事飄零任轉蓬

獨坐二首
其二

白狗斜臨北黃牛更在東峽雲常照夜江日會兼風
躡藥安垂老應門試小童亦知行不逮苦恨耳多聾

自灤西荆扉且移居東屯茅屋四首
其二

白鹽危嶠北赤甲古城東平地一川穩高山四面同
煙霞淒野日秔稻熟天風人事相逢轉吾將守桂叢

暫往白帝復還東屯

復作歸田去猶殘穫稻功
築場憐穴蟻拾穗許村童
落杵光輝白除芒子粒紅
加飡可扶老倉廩慰飄蓬

大曆二年九月三十日

為客無時了悲秋向夕終
瘴餘夔子國霜薄楚王宮
草敵虛嵐翠花禁冷盡紅
年年小槿落不與故園同

韓集

詠燈花同侯十一

今夕知何夕花然錦帳中
自能當雪暖那肯待春紅

黃裏排金粟釵頭綴玉蟲
更煩將喜事來報主人公

題韋氏莊

昔者誰能比今來事不同
寂寥青草曲散漫白榆風
架倒籐全落籬崩竹半空
寧湏惆悵立翻覆本無窮

木芙蓉

新聞寒露叢遠北水間紅
豔色寧相妬嘉名偶自同
採江官渡晚搴木古祠空
願得或作勸勤來看無令便
逐風

自袁州還京行次安陸先寄隨州周員外

行行指漢東暫喜笑言同
雨雪離江上蕪葭出夢中
面猶含瘴色眼已見華風
歲暮難相值酣歌未可終

五言排律

始音

送劉校書從軍

楊炯

天將下三宮星門召五戎
坐謀資廟略飛檄佇文雄
赤上流呈劔烏號明月弓
秋陰生蜀道殺氣繞湟中
風雨何羊別琴尊此日同
離亭不可望溝水自西東

送鄭司倉入蜀

盧照隣

離人卅水北遊客錦城東
別意還無已離憂自不窮
隴雲朝結陣江月夜臨空
閑塞疲征馬霜氛落早鴻
潘年三十外蜀道五千中
送君秋水曲酌酒對秋風

棹歌行

駱賓王

寫月圖黃罷凌波拾翠通
鏡花搖菱日衣麝入荷風
葉露舟難蕩蓮踈浦易空
鳳媒羞自託鴛翼恨難窮
秋帳澄光翠倡樓粉色紅
相思無別曲併在棹歌中

邊城落日

紫塞流沙北黃圖霸水東
一朝辭姐豆萬里逐沙蓬

會紀卷一
候月恒持滿尋源屢鑿空野昏邊氣合峰迥戍煙通
斡力風塵倦疆場歲月窮河流控積石山路遠崕峒
壯志凌蒼兕精誠貫白虹君恩知可報龍劍有雌雄

結客少年場行

盧照隣

長安重游俠雒陽富才雄玉劍浮雲騎金鞭明月弓
關鷄過渭北走馬向關東孫賓遙見待郭解暗相通
不受千金爵誰論萬里功將軍下天上虜騎入雲中
烽火夜似月兵氣曉成虹橫行狗知己負羽遠從戎
龍旌昏朔霧鳥陣捲胡風追奔瀚海咽戰罷陰山空

歸來謝天子何如馬上翁

正音

早度蒲關

唐玄宗

鐘鼓嚴更曙山河野望通鳴鑿下蒲坂飛旆入秦中
地險關逾壯天平鎮尚雄春來津樹合月落戍樓空
馬色分朝景鷄聲逐曉風所希常道泰非復俟繻同
送秘書晁監歸日本
王維
積水不可極安知滄海東九州何處遠萬里若乘空
向國惟看日歸帆但信風鰲身映天黑魚眼射波紅

御樹扶桑外主人孤島中別離方異域音信若為通
奉賀聖製上已於望春庭觀禊飲應製

長樂青門外宜春小苑東樓開萬戶上輦過百花中
畫鷁移仙仗金貂列上公清歌邀落日妙舞向春風
渭水明秦甸黃山入漢宮君王來袞襖灞澹亦朝宗

正聲

白帝懷古

陳子昂

日落滄江晚停撓問土風城臨巴子國臺沒漢王宮
荒服仍周甸深山尚禹功巖懸青壁斷地險碧流通

古木生雲際歸帆出霧中川塗去無限客思坐何窮

西使兼送孟學士南游

盧照隣

地道巴陵北天山弱水東相看萬餘里共倚一征蓬
零雨悲王粲清尊別孔融裴徊聞夜鶴悵望待秋鴻
骨肉胡秦外風塵閔塞中唯餘劔鋒在耿耿氣成虹
夏日華萼樓酺宴應制

王昌齡

土德三元正堯心萬國同汾陰備冬禮長樂應和風
賜慶垂天澤番歡舊渚宮樓臺生海上蕭鼓出天中

會約卷一
霧曉筵初接宵長曲未終雨隨行幕合日照舞羅空
玉陛分朝列文章發聖聰愚臣忝書賦歌詠頌絲桐

送崔押衙赴相州

韋應物

禮樂儒家子英雄燕趙風驅鷄嘗理邑走馬却從戎
白刃千夫闢黃金四海同嫖姚恩願下諸將指揮中
別路怜芳草歸心伴塞鴻鄴城新騎滿魏帝舊臺空
望闕應懷戀遭時貴立功萬方如已靜何處欲輸忠

陪竇侍御泛靈雲池

得風字

高適

白露先時降清川思不窮江湖仍塞上舟楫在軍中
舞換臨津樹歌饒向晚風夕陽連積水邊色滿秋空
乘興宜投轄邀權莫避駉誰怜持弱羽猶欲伴鷓鴣
送王諫議任東都居守

錢起

車徒鳳掖東去去洛陽宮暫以青蒲隔還看紫禁同
經過乘雨露瀟洒出鷓鴣官署名臺下雲山舊苑中
暮天雙闕靜秋月九重空且喜成周地詩人播國風

類編

和僕射晉公扈從溫湯

王維

天子幸新豐旌旗渭水東寒山天仗裏溫谷幔城中
眞玉群仙座焚香太乙宮出遊逢牧馬罷獵有非熊
上宰無為化明時太古同靈芝三秀紫陳粟萬箱紅
三禮尊儒教天兵小戰功謀猷歸哲匠詞賦屬文宗
司諫方無闕陳詩且未工長吟吉甫頌朝夕仰清風

春日奉獻聖壽無疆詞十首

其七

揚巨源

垂拱乾坤正歡心品類同紫煙含北極玄澤付東風
珠綴番晴景金莖直曉空發生資盛德交泰讓全功

間氣登三事祥光啓四聰
遊荒似川水天外亦朝宗

和常袞晚秋集賢院即事

司空曙

藹藹鳳皇宮蘭臺玉署通夜霜凝樹羽曉日照屏風
官附三台貴儒開百代宗司言陳禹命侍講發堯聰
香卷青編內鉛分綠字中綴籤從太史鏘珮揖群公
池接天泉碧林交御果紅寒龜登故葉秋蝶戀踈叢
顏謝徵文並鍾裴議事同離群驚海鶴屬思怨江楓
地遠姑蘇外天長越絕東慙當哲匠後下曲本難工

送王相公赴幽州二首其一皇甫冉
自昔蕭曹任難兼
衛霍功勤勞無遠
近旌節屢西東
不選三河卒還令
萬里通鴈行
緣古塞馬鬣起長
風
遮魯關山靜防秋
鼓角雄徒然一攀
送羸病華門中

李集

送梁公昌從信安北征

入幕推英選
捐書事遠戎
高談百戰術
鬱作萬夫雄
起舞蓮花劍
行歌明月宮
將飛天地陣
兵出塞垣通
祖席番丹景
征麾拂彩虹
旋應獻凱入
麟閣佇深功

下潯陽城汎彭蠡寄黃判官

浪動灌嬰井潯陽江上風
開帆入天鏡直向彭湖東
落景轉疎雨晴雲散遠空
名山發佳興清賞亦何窮
石鏡挂遙月香爐滅彩虹
相思俱對此舉日與君同

杜集

陪鄭公秋晚北池臨眺

北池雲水瀾華館闢秋風
獨鶴先依渚衰荷且映空
采菱寒刺上踏藕野泥中
素檝分曹往金盤小徑通
萋萋露草碧片片晚旗紅
盃酒霑津吏衣裳與釣翁

異鄉初艷菊故里亦高桐
搖落閑山思淹番戰伐功
嚴城殊未掩清宴已知終
何補參軍之歡娛到薄躬

奉寄河南常尹丈人

有客傳河尹逢人問孔融
青囊仍隱逸章甫尚西東
鼎食為門戶詞場繼國風
尊榮瞻地絕踈放憶途窮
濁酒尋陶令丹砂訪葛洪
江湖漂裋褐霜雪滿飛蓬
軍落乾坤大周流道術空
謬慙知薊子真怯笑楊雄
盤錯神明惧謳歌德義豐
尸鄉餘土室難說祝鷄翁

投贈歌舒開府逾十韻

今代麒麟閣何人第一功
君王自神武駕馭必英雄
開府當朝傑論兵邁古風
先鋒百勝在畧地兩隅空
青海無傳箭天山早掛弓
庶頗仍走敵魏絳已和戎
每惜河湟棄新兼節制
通知謀垂睿想出入冠諸公
日月低秦樹乾坤繞漢宮
胡人愁逐北宛馬又從東
受命邊沙遠歸來御席同
軒墀曾寵鶴畋獵舊非熊
茅土加名數山河誓始終
策行遺戰伐契合動昭融
勲業青冥上交親氣槩中
未為未獲客已見白頭翁
壯節初題柱生涯獨轉蓬
幾年春草歇今日暮途窮

軍士番孫楚行間識呂蒙防身一長劍將欲倚崆峒
寄司馬山人十二韻
閉內昔分袂天邊今轉蓬驅馳不可說談笑偶然同
道術曾番意先生早擊蒙家家迎劉子處處識壺公
長嘯峨眉北潛行玉壘東有時騎猛虎虛室使仙童
髮少何勞白顏衰肯更紅望雲悲轆軻畢景羨冲融
喪亂形仍後淒涼信不通懸旌要路口倚劍短亭中
永作殊方客殘生一老翁相來骨可換亦遣馭清風

遣問奉呈嚴公二十韻

白水魚竿客清秋鶴髮翁胡為來幕下只合在舟中
黃卷真如律青袍也自公老妻憂坐痺卑利切幼女
問頭風平地專歌倒分曹失異同禮甘衰力就義忝
上官通疇昔論詩早光輝仗鉞雄寬容存性拙翦拂
念途窮露裛思藤架煙霏想挂叢信然龜觸網直作
鳥窺籠西嶺紆村北南江繞舍東竹皮寒舊翠排實
雨新紅浪簸船應拆杯乾甕即空藩籬生野徑斤斧
任樵童束縛耐知己蹉跎效小忠周防期稍稍大簡
遂忽忽曉入朱扉啓昏歸畫角終不成尋別業未敢

息微躬鳥鵲愁銀漢駕臨怕錦幃會希全物色時放
倚梧桐

奉漢中王手札報常侍御蕭尊師亡

秋日蕭常逝淮王報峽中少年疑柱史多術恠仙翁
不但時人惜祗應吾道窮一哀侵疾病相識自兒童
處處隣家笛飄飄客子蓬強吟懷舊賦已作白頭翁

陪章晉後侍御宴南樓得風字

絕域長夏晚茲樓青宴同朝廷燒棧北鼓角漏天東
屢食將軍第仍騎御史駘本無丹竈術那見白頭翁

寇盜狂歌外形骸痛飲中野雲低渡水簷雨細隨風
出號江城黑題詩蠟炬紅此身醒復醉不擬哭途窮

天池

天池馬不到嵐壁鳥繞通百頃青雲杪曾波白石中
鬱紆騰秀氣蕭瑟浸寒空直對巫山出蕪疑夏禹功
魚龍開闢有菱茨古今同聞道奔雷黑初看浴日紅
飄零神女雨斷續楚王風欲問支機石如臨獻瑤宮
九秋驚鴈序萬里狎漁翁更是無人處誅勞任薄躬

七言絕句

正音

蕭附馬宅花燭

王昌齡

青鸞飛入合懽宮紫鳳啣花出禁中
可憐今夜千門裏銀漢星回一道通

獻封大夫破播仙凱歌

岑參

漢將承恩西破戎捷書先奏未央宮
天子豫開麟閣待祇今誰數貳師功

登樓寄王卿

韋應物

踏閣攀林恨不同楚雲滄海思無窮
數家砧杵秋山

下一郡荆榛寒雨中

宮詞

王建

對頭對底覓殘紅一片西飛一片東
自是桃花貪結子錯教人恨五更風

綺繡宮

玉樓傾側粉墻空重疊青山繞故宮
武帝去來紅袖盡野花黃蝶領春風

登樂遊原

杜牧

長空澹澹孤鳥沒萬古銷魂向此中
看取漢家何事

業五陵無對起秋風

江南春

千里鶯啼綠映紅水村山郭酒旗風南朝四百八十寺多少樓臺烟雨中

四皓廟

李商隱

本為留侯慕赤松漢庭方識紫芝翁蕭何只解追韓信豈得虛當第一功

過楚宮

巫峽迢迢舊楚宮至今雲雨暗丹楓浮生盡戀人間

樂口有襄王憶夢中

遺響

采蓮曲

白居易

菱葉縈波荷颭風荷花深處小船通逢郎却語低頭笑碧玉搔頭落水中

齊安郡中偶題

杜牧

兩竿落日谿橋上半縷輕烟柳影中多少綠荷相倚恨一時回首背西風

念昔遊

李白題詩水西寺古木
日紅白花開煙雨中

三體

白遣

陸龜蒙

數尺游絲隨碧空
年年長是惹春風
爭知天上無人住
亦有春愁鶴髮翁

吳城覽古

陳羽

吳王舊國水烟空
香徑無人蘭葉紅
春色似憐歌舞地
年年先發館娃宮

送齊山人歸長白山

韓羽

舊事山人白兔公
掉頭歸去又乘風
柴門流水依然在
一路寒山萬木中

醉後題僧寺

杜牧

航船一棹百分空
十歲青春不負公
今日鬢絲禪榻畔
茶烟輕颺落花風

寄許鍊師

戎昱

掃石焚香禮碧空
露華偏濕藥珠宮
如何說得天壇上
萬里無雲月正中

湘江夜泛

吳融

江流如箭月如弓行盡三湘數夜中無奈子規啼向
蜀一聲聲似怨春風

重過文上人院

李涉

南隨越鳥北燕鴻松月三年別遠公無限心中不平
事一宵清話又成空

選唐

魏簡能東遊

李涉

獻賦論兵命未通却乘羸馬出關東灞陵原上重回

看十載長安似夢中

南北史感遇

司空圖

佳人自折一枝紅把唱新詞曲未終惟向眼前憐易
落不如拋擲任春風

關下口號

劉禹錫

綵仗神旗獵曉風鷄人一唱鼓蓬蓬銅壺漏水何時
歇如此相催即老翁

濟江問舟手

孟浩然

潮落江平未有風輕舸共濟與君同時時引領望天

未何處青山是越中

惆悵詞

王之渙

謝家池館花籠月
蕭寺房廊竹颭風
夜半酒醒凭檻
立所思多在別離中

其二

夢裏分明入漢宮
覺來燈背錦屏空
紫臺月落閑山
曉腸斷君王信
畫工

宮詞

王涯

瞳瞳日出大明宮
天樂遙聞在碧空
禁樹無風正和

煖玉樓金殿曉光中

正聲

漢宮曲

韓翃

漢室長陵小市中
珠簾綉戶對春風
君王昨日移仙
仗玉輦將迎入漢宮

華清宮

張籍

溫泉流入漢離宮
宮樹行行浴殿空
武帝時人今欲
盡青山空閉御墻中

李集

秋下荆門

霜落荆門江樹空
布帆無恙挂秋風
此行不為鱸魚
鱠自愛名山入剡中

少年行

五陵年少金市東
銀鞍白馬度春風
落花踏盡游何
處笑入胡姬酒肆中

春怨

白馬金羈遼海東
羅帷綉被卧春風
落月低軒窺燭
盡飛花入戶笑床空

上皇西巡南京歌

第十首 第三

華陽春樹號新豐
行入新都若舊宮
柳色未饒秦地
綠花光不減上陽紅

杜集

戲為

第六絕 第四

才力應難跨數公
凡今誰是出群雄
或看翡翠蘭若
上未掣鯨魚碧海中

夔州歌

第十絕 第七

蜀麻吳塩自古通
萬斛之舟行若風
長竿三老長歌

裏白畫攤錢高浪中

解闕十二首
其四

沈范早知何水部曹劉不待薛中獨當省署開文
苑兼泛滄浪學釣翁

贈李白

秋來相顧尚飄蓬未就丹砂愧葛洪痛飲狂歌空度
日飛揚跋扈為誰雄

江畔獨步尋花七絕
其五

黃師塔前江水東春光懶困倚微風桃花一簇開無

主可愛深紅一作淺紅

韓集

題百葉桃花

百葉雙桃晚更紅窺窓映竹見玲瓏應知侍史歸天
上故伴仙郎宿禁中

楸樹

青幢紫蓋立童童細雨浮烟作綵籠不得畫師來貌
取定知難見一生中

桃林夜賀晉公

西來騎火照山紅
夜宿桃林臘月中
手把命珪魚相
印一時重疊賞元功

七言律詩

正音

勅借岐王九成宮避暑

王維

帝子遠辭丹鳳闕
天書遙借翠微宮
隔窓雲霧生衣
上捲幔山泉入鏡中
林下水聲喧笑語
巖前樹色隱
房櫳仙家未必能勝此
何事吹簫向碧空

送李錄事允歸襄陽

劉長卿

十年多難與君同
幾處移家逐轉蓬
白首相逢
後青春已過
亂離中
行人杳杳看西月
歸馬蕭蕭
向北風
漢水楚雲千萬里
天涯此別恨無窮

贈錢起秋夜宿靈草寺是寄

郎士元

石林精舍武谿東
夜扣禪扉謁遠公
月在上方諸品
淨心持半偈
萬緣空
蒼苔古道行應徧
落木寒泉聽
不窮
更憶雙峰最高頂
此心期與故人同

金陵懷古

許渾

玉樹歌殘王氣終景陽兵合成樓空松楸遠近千官
塚禾黍高低六代宮石燕拂雲晴亦雨江豚吹浪夜
還風英雄一去豪華盡惟有青山似洛中

早朝日寄所知

皇甫魯

長安雪後見歸鴻紫禁朝天拜舞同曙色漸分雙闕
下漏聲遙在百花中鑪煙乍起開仙仗玉珮成行引
上公共荷發生同雨露下應黃葉久從風

二體

寒食

來鵬

獨把三盃山館中每驚時節恨飄蓬侵掛草色連朝
雨滿地梨花昨夜風蜀魄啼來春寂寞楚魂吟去月
朦朧分明記得還家夢徐孺宅前湖水東

題宣城開元寺水閣

杜牧

六朝文物草連空天淡雲閑今古同鳥去鳥來山色
裏人歌人哭水聲中深秋蘆幕千家雨落日樓臺一
笛風惆悵無因見范蠡參差煙樹五湖東

正聲

興慶池侍燕應制

沈佺期

碧水澄潭映遠空，紫雲香駕御微風。
漢家城闕疑天上，秦地山河似鏡中。
向浦迴舟蒲已綠，分林蔽殿槿初紅。
古來徒羨橫汾賞，今日宸游聖藻雄。

夜宿靈臺寺寄卽士元

錢起

西日橫山含碧空，東方吐月滿禪宮。
朝瞻雙頂青冥上，夜宿諸天色界中。
三潭倒映蓮花水，塔院空聞松栢風。
萬里故人能尚爾，知君視聽我心同。

送上光輔歸青州兼寄諸御史

韓翃

幾回奏事建章宮，聖主偏知漢將功。
身著紫衣趨闕下，口啣丹詔出關東。
蟬聲驛路秋山裏，草色河橋落照中。
遠憶故人滄海別，當年好躍五花驄。

鼓吹

塞上卽事

吳商浩

身似流星迹似蓬，玉關孤望杳溟濛。
寒沙萬里平鋪月，曉角一聲高繞風。
戰士沒邊魂尚哭，單于獵處燒猶紅。
分明更想殘宵夢，故國依然在鳳巢。

鄜州留別張外郎

韋莊

江南相送君山下塞北相逢相幕中三楚故人皆是
夢十年塵事只如風莫言身世他時異且喜琴樽數
日同惆悵却愁明日別馬嘶山店雨濛濛

登尉陀樓

許渾

劉項持兵鹿未窮自乘黃屋島夷中南來作尉任翦
力比嚮稱臣陸賈功簫鼓尚陳今世廟旌旗猶鎮昔
時宮越人未必知虞舜一奏薰絃萬古風

送南院盧判官罷職歸華陰山居

曾事劉琨鴻塞空十年書劔任飄蓬東堂舊屈移山

志南國新留煮海功還掛一帆青草上更開三逕碧
蓮中閑西親友如相問已許滄浪作釣翁

懷舊居

兵書一篋老無功故國荆扉在夢中藤蔓覆梨張谷
暗草芄侵菊庾園空朱門迹黍登龍客白屋心期失
馬翁楚水吳山何處是北窓殘月照屏風

六街塵

薛逢

六街塵起鼓鼙驚馬足車輪在處通百役並驅衣食
內四民長走路岐中年光與物隨流水世事如花落

曉風名利到身無了日不知今古旋成空

奉和春日幸望春宮

張說

別館芳菲上苑東
飛花澹蕩御遊紅
城臨渭水天河
靜闕對南山
雨露通遶殿
流鶯凡幾樹
當蹊亂蝶許
多叢春園既醉心
和樂共識皇恩造化同

闔閭城北有賣花翁
討春之士徃徃造焉

因招日休

陸龜蒙

故城邊有賣花翁
水曲舟輕去盡通
十畝芳菲為舊
業一家烟雨是元功
閑添藥品年年別
笑指生涯樹

楓紅若要見春歸
處所不過携手問東風

以竹夾膝寄贈襲美

截得篔簹冷似龍
翠光橫在暑天中
堪臨薤簟開憑
月好向松窓卧
豉風持贈敢齊青
玉案醉吟偏稱紫
荷筒添君雅具教
多著為著西齋譜一通

寄吳融子華

一夜秋聲入井桐
數枝危綠怕西風
霏霏晚砌烟華
上浙浙疎簾雨
氣通君隱輪蹄
名未了我依琴鶴
病相攻到頭江畔
從漁事織作中流
萬尺蒹

漁取魚具也

揚州看辛夷花

柳疎梅墮少春叢天遣花神別致功高處柔稀難避
日動時枝弱易為風堪將亂葉添雲肆若得千枝便
雪宮不待群芳應有意等閑桃李即爭紅

禁中作

韓渥

銀臺直北金鑾外暑雨初晴皓月中惟對松篁聽列
漏更無塵土翳虛空綠香熨齒金盤果清冷侵肌水
殿風坐久忽聞鈴索動玉堂西畔響丁東

酌二附馬二首

楊巨源

芳時碧落心應斷今日清詞事不同瑤草秋殘仙圃
在綵雲天遠鳳樓空晴花曾送金鷄影涼葉寒生玉
簾風長得聞詩歡自足會看春露濕蘭叢

薛司空自青州歸朝

天眷君陳久在東歸朝人看大司空黃河岸畔長無
事滄海東邊獨有功已變畏途成雅俗仍過舊里揖
秋風一門累葉凌烟閣次第儀刑漢上公

遊東湖黃處士園林

劉威

偶向東湖更向東數聲鷄犬翠微中遙知楊柳是門

處似隔芙蓉無路通樵客出來山帶雨漁舟過去水
生風物情多與閑相稱所恨求安計不同

開元寺早景即事

皮日休

客省蕭條柿葉紅樓臺如畫倚霜空銅池數滴桂上
雨金鐸一聲松杪風鶴靜時來珠像側鶴馴多在寶
幡中如今塵外虛為契不得支公此會同

次韻魯望以竹夾膝見寄

圓於玉筋滑於龍來自衡陽彩翠中拂潤恐飛清夏
雨叩虛疑貯碧相風大勝書客裁成簡頗勝溪翁截

作筒從此角巾因爾戴俗人相訪若為通

酬耿少府見寄

戴叔倫

方丈蕭蕭落葉中暮天深巷起悲風流年不盡人自
老外事無端心已空家近小山當海畔身留環衛隱
墻東遙聞相訪頻逢雪一醉寒宵誰與同

李給事

即李敏也

杜牧

一章緘拜皂囊中歷歷朝廷有古風元禮去歸緱氏
學江充來見大臺宮紛紜白晝驚千古鉄鎖朱殷幾
一空山突徙薪人不會海邊今作釣魚翁

柳

日落水流西復東春光不盡柳何窮巫娥廟裏低含
雨宋玉門前斜帶風莫將榆莢共爭翠深感杏花相
映紅灞上漢南千萬樹幾人游宦別離中

送劉秀才歸江陵

絲服鮮華覲渚宮鱸魚新熟別江東劉郎浦夜侵船
月宋玉庭春弄袖風落落精神終有立飄飄才思杳
無窮誰人世上為金口借取明時一薦雄

訪張明府同趙二十二嘏聯句

陶潛官罷酒餅空門掩黃花一逕風古調詩吟山色
裏無絃琴在月明中逸簷高樹宜幽鳥出岫孤雲逐
晚虹別後東籬數枝菊不知閑醉與誰同

洛陽

文征武戰就神功時似開元天寶中已見玄戈收相
士應回翠帽過離宮侯門草滿且寒兔洛浦沙深見
寒鴻疑有女娥西望處上陽烟樹正秋風

長安雜題

三首
其三

晴雲如絮惹低空紫陌微微弄袖風韓嫣金丸莎覆

綠許公羈汗杏粘紅烟生空窈窕深東第輪撼流蘇下
北宮自笑苦無妻護知可憐鈿繫竟何功窈窕註深
邃也窈玉

江樓晚望

湖山翠欲結蒙籠汗漫誰遊夕照中初語燕雛知社
日習飛鷹佳識秋風波搖珠樹千尋拔山鑿金陵萬
仞空不用登樓更懷古斜陽江上飛鴻

書秋

王初

千里南雲度塞鴻秋容無跡淡平空人間玉嶺清宵

月天上銀河白晝風潘賦登山魂易斷楚歌遺佩怨
何窮往來未若音張翰欲膾霜鯨碧海東

自和書秋

隴首斜飛避弋鴻頰雲蕭索見層空漢宮夜結雙莖
露閭闔涼生六幕風湘女怨絃愁不禁鄂君香被夢
難窮江邊兩槩連歌渡驚散遊魚蓮葉東

金橋感事

吳融

太行和雪疊晴空二月郊原尚朔風飲馬早聞臨渭
北射鴈今欲過山東百年徒有伊川嘆五利寧無魏

絳功日暮長亭政愁絕哀笳一曲戍煙中

紅樹

一聲南鴈已先紅
槭槭淒淒葉葉同
自是孤根非暖地
莫驚他木耐秋風
燒烟散去陰全薄
明月臨來影半空
長憶洞庭千萬樹
照山橫浦夕陽中

無題 五首 其二

李商隱

昨夜星辰昨夜風
畫樓西畔桂堂東
身無綵鳳雙飛翼
心有靈犀一點通
隔座送聞春酒暖
分曹覆射蠟燈紅
嗟予聽鼓應官去
走馬蘭臺類轉蓬

登慈恩寺浮圖

韋八元

十層突兀在虛空
四十門開面面風
却訝鳥飛平地
上自驚人語半天
中回梯暗踏如穿洞
絕頂初攀似出籠
落日鳳城佳氣合
滿城春樹雨濛濛

春日將欲東遊寄苗紳

溫庭筠

幾年辛苦與君同
得喪悲歡盡是空
猶喜故人先折桂
自憐羈客尚飄蓬
三春月照千山路
十日花開一夜風
知有杏園無路入
馬前惆悵滿枝紅

秣陵懷古

李群玉

野花黃葉舊三宮六代豪華燭散風龍虎勢衰佳氣
歇鳳凰名在故臺空市朝遷變秋蕪綠墳塚高低落
照紅霸業鼎圖人去盡獨來惆悵水雲中

望月寄人

浮雲卷盡看臙臙直出滄溟上碧空盈手水光寒不
濕流天素彩靜無風酒花蕩漾金樽裏棹影飄颻玉
浪中川路正長難可越美人千里思何窮

登夏州城樓

羅隱

寒城獵獵戍旗風獨倚欄干悵望中萬里山川唐土

地千年魂魄漢英雄離心不忍聽邊馬往事應須問
塞鴻好脫儒冠從校尉一枝長戟六鈞弓

春日題禪智寺

在楊州

樹遠連天水接空幾年行樂舊隋宮花開謝長如
此人去人來自不同楚鳳調高何處酒吳牛蹄健滿
車風思量只合騰騰醉煮海平陳盡夢中

天街曉望

胡宿

長樂纔聞一扣鍾百官初謁未央宮金波穆穆沙堤
月玉樹瑤瑤上苑風香重椒蘭橫結霧氣寒龍虎遠

浮空嗟予索米無入問行避霜臺御史駘

函谷關

天開函谷壯關中萬古驚塵向此空望氣竟能知若
子棄繻何不識終童謾持白馬先生論未抵鳴鷄下
客功符命已歸如掌地一丸曾誤隗王東

長卿

買賦金錢出後宮長卿文彩冠諸公梁園未至時名
大蜀道前驅使節雄已托焦桐傳密意更因殘札寄
遺忠如何一諷神仙事却得飄雲起賦中

洞簾觀納涼

秋波不動簾紋敲松月悄悄透綺籠霜重井梧翻瘦
碧雨回堦藥墮媽紅彩鴛靜占銀塘水乳燕涼飛玉
宇風林酒易銷殘夢斷却疑身在廣寒宮

芙蓉湖泛舟

小湖香豔戰芙蓉碧葉田田擁釣蓬嵐氣欲飛山隔
岸秋波不動水搖空翩翩雪鳥爭投浦潑刺霜鱗對
擲風正是滄浪濯纓日一竿多謝紫溪翁

河橋樓賦得群公夜讌

譚用之

芙蓉簾幙扇秋紅
蠻府星郎夜讌同
滿座馬融吹笛
月一樓張翰過江
風杯黏紫酒金螺
重談轉瑠璫玉
塵空深荷良宵慰
顛顛德星池館在
江東

瑠璫多切切

重陽山居

司空圖

詩人自古恨難窮
暮節登臨且喜同
四望交親兵亂後
一川風物笛聲中
菊殘深處迴幽蝶
陂動晴光下
早鴻明日更期來
此醉不堪寂寞對
衰翁

長安夜遊

表不約

鳳城連夜五門通
帝女皇妃出漢宮
千乘齊軍珠箔

捲萬條銀燭碧紗籠
歌聲緩過青樓月
香氣潛來紫陌風
長樂曉鐘歸騎後
遺簪落翠滿街中

倦客

鄭谷

十年五年岐路中
千里萬里西復東
匹馬愁衝曉村雪
孤舟悶阻春江風
達士猶來知道在
昔賢何必哭途窮
閑烹蘆筍炊菰米
會向源鄉作醉翁

邊上

張泌

戍接吹角起征鴻
獵獵寒旌背晚風
千里暮烟愁不盡
一川秋草恨無窮
山河慘淡關城閉
人物蕭條市

井空只此旅魂招未得更堪回首夕陽中

閔河道中

常莊

槐陌蟬聲柳市風驛樓高倚夕陽東徃來千里路長
在聚散十年人不同但見時光流似箭豈知天道曲
如弓平生志業任唐舜又擬滄浪學釣翁

貴公子

大道青樓御苑東玉蘭仙杏壓枝紅金鈴犬吠打桐
院朱芾馬嘶楊柳風流水帶花穿巷陌斜陽和樹入
簾攏瑤池宴能歸來醉笑語君王在月宮

詩選

觀校獵上淮西相公

劉長卿

龍驤校獵邵陵東野火初燒楚澤空師事黃公千載
後身騎白馬萬人中笳吟曉月吹邊草箭沒寒雲落
塞鴻三十擁旄誰不羨周郎少小立奇功

上武元衡相

王述

旌旗坐鎮蜀江雄帝命重開舊閣崇褒貶唐書天曆
上捧持堯日慶雲中孤情迥出鸞鳳遠徙思潛搜海
岳空長得蕭何為相國自西流水盡朝宗

中秋夜獨遊安國寺山庭步月李舍人十
兄遲明將至巨話昨宵乘興聯句

李益

九重城接天花界三五秋生一夜風
益行聽漏聲雲散後遙聞天語月明中
廣宣含涼閣迥通仙掖承露盤
高出上宮益誰問獨愁門外客清談
不與此宵同廣

送戶部李郎中充昭義攻討

李商隱

將軍大旆掃狂童詔選文臣贊武功
暫逐虎牙臨故絳遠含鷄舌過新豐
魚遊沸釜知無日鳥覆危巢豈待風
早勒勛庸燕石上佇光綸綉禁闈中

愛妾換馬

張祐

綺閣香銷草廐空忍將行雨換追風
休憐柳葉雙眉翠却愛桃花兩耳紅
侍燕未辭春色裏趨朝休立漏聲中
日勞未盡情先盡暗泣嘶風兩意同

光嶽英華

大酺

杜審言

金陵震澤九州通士女歡娛萬國同
伐鼓撞鍾驚海上新粧袞服照江東
梅花落處疑殘雪柳絮飛時任好風
火德雲官逢道泰天長地久屬年豐

駕幸井泉

盧象

傳聞聖主幸新豐清蹕鳴鸞出禁中
細草終朝隨步輦重揚幾處繞行宮
千官扈後驪山北萬國來朝渭水東
此日小臣徒獻賦漢家誰復重楊雄

送李回

李暹

知君曾爲太司空詔幸驪山職事
維歲發金錢供御

苑曉隨仙仗駐離宮千巖曙色旌門上
十月寒花葦路中不覩聲明與文物自傷
流滯去關東

類編

興慶池侍宴應制

蘇頲

降鶴池前回步輦栖鸞樹杪出行宮
山光積翠遙相逼水態含青近若空
直視天河垂象外俯窺宗室畫圖中
皇情未使息波極日暮樓頭更起風

贈李翊僕射

王建

唐州將士死生同盡逐雙旌舊鎮空
獨破淮西功業

大新除隴右世家雄知時每咲論兵法識勢還輕立
戰功次第各分茅土貴殊勲併在一門中

贈李僕射翹赴鎮鳳翔

張籍

由來勲業屬英雄兄弟連榮列位同先入賊城擒首
惡盡封官庫讓元功旌旌獨繼家聲外竹帛新添國
史中天子欲收新隴地故教移鎮在扶風

送睦州侯郎中赴關

方干

昔善功聲聞國外今留儒術比江東青雲舊路歸仙
掖白雪新詞入聖聰絃管未知銀燭曉旌旗已待錦

帆風郡人誰識酬恩德偏在三年禮遇中

杜集

江雨有懷鄭典設

春雨闇闇塞峽中早晚來自楚王宮亂波紛披已打
岸弱雲狼藉不禁切居吟風籠光蕙葉與多碧點綴挑
花舒小紅谷口子真正憶汝岸高濼滑限西東

詠懷古跡其五首

蜀主窺吳幸三峽崩年亦在永安宮翠華想像空山
裏玉殿虛無野寺中古廟杉松巢水鶴歲時伏臘走

村翁武侯祠屋長鄰近一體君臣祭祠同
陪李七司馬早江上觀造竹橋即日成往
來之人免冬寒入水聊題短作簡李公
代木為橋結構同褰裳不涉往來通天寒白鶴歸華
表日落青龍見水中顧我老非題柱客知君才是濟
川功合歡却笑千年事驅石何時到海東

暮春

卧病擁塞在峽中瀟湘洞庭虛映空楚天不斷四時
雨巫峽長吹萬里風沙上草閣柳新暗城邊野池蓮

欲紅暮春鴛鴦立洲渚挾子翻飛還一叢

秋興八首
其六

昆明池水漢時功武帝旌旗在眼中織女機絲虛夜
月石鯨鱗甲動秋風波漂菰米沉雲黑露冷蓮房墜
粉紅闌塞極天唯鳥道江湖滿地一漁翁

野人送朱櫻

西蜀櫻桃也自紅野人相贈滿筠籠數回細寫愁仍
破萬顆勻圓訝許同憶昨賜露門下省退朝敬手出天
明宮金盤玉筋無消息此日嘗新任轉蓬

韓集

晉公破賊回重拜台司以詩示幕中賓客

俞奉和

南伐旋師大葦東天書夜到冊元功將軍舊壓三司
貴相國新兼五等崇鷓鴣欲歸仙仗裏熊羆還入禁
營中長懸典午非材賦得就開官印至公

七言排律

杜集

清明二首

此身飄泊苦西東右臂偏枯半耳聾寂寂擊舟雙下
淚悠悠伏枕左書空十年蹴踘將雛遠萬國鞦韆習
俗回旅鴈上雲歸紫塞家人鑽火用青楓秦城樓閣
烟花裏漢主山河錦繡中風水春來洞庭潤白蘋愁
殺白頭翁

二冬

五言絕句

正音

昭君怨

東方

揜淚辭丹鳳御悲向白龍單于浪驚喜無復舊時容

韓集

渚亭

自有人知處那無步往蹤莫教安四壁面面相芙蓉

鏡潭

非鑄復非鎔泓澄忽此逢魚蝦不用避只是照蛟龍

五言絕句

遺響

山中道士

賈島

頭髮梳千下休粮帶瘦容養鷄成大鶴種子作高松
白石通霄煮寒泉盡日春不曾離西處那得世人逢

三體

靜林寺

僧靈一

靜林溪路遠蕭帝有遺蹤水擊四時聲山鳴千闔鐘
燈傳三世火樹老萬株松無數霞色空聞昔卧龍

途中別孫璐

方干

道路本無限又應何處逢流年莫虛擲華髮不相容
野渡波搖月寒城雨翳種此心隨去馬追逾過重峰

過香積寺

王維

不知香積寺數里入雲峰古路無人迹深山何處鐘
泉聲咽危石日色冷青松薄暮空潭曲安禪制毒龍

題甘露寺

曹松

香門接巨壘畫角間清鍾北固一何峭西僧多此逢
天垂無際海雲白夕晴峯旦暮燃燈外潮頭振勢龍

送殷堯藩侍御遊山南

姚合

詩境西南遠秋深畫幙留人家連水影驛路在山峯
溪靜雲生石天晴雪覆松我為公府繫不得此相從

春宮怨

杜荀鶴

早被嬋娟誤欲粧臨鏡慵承恩不在貌教妾若為容
風暖鳥聲碎日高花影重年年越溪女相憶采芙蓉

正聲

望秦川

李頎

秦川朝望迥日出正東峰遠近山河淨遠近城關重
秋聲萬戶竹寒色五陵松客有歸歎嘆淒其霜露濃

類編

駕幸河東

王昌齡

晉水千廬合汾橋萬國從開唐天業盛八沛聖恩濃
下輦迴三象題碑駐六龍睿明懸日月千歲此時逢

送陰先生還蜀

張籍

日暮遠歸屢雲閉仙觀鍾唯持青玉牒獨上碧鷄峰
陰洞新生乳寒泉舊養龍幾時因賣藥得向海邊逢

李集

訪戴天山道士不遇

大吠水聲中桃花帶雨濃樹深時見鹿溪午不聞鍾
野竹分青霽飛泉掛碧峰無人知所云愁倚兩三松

送長沙陳太守

長沙陳太守逸氣凌青松英主賜五馬本是天池龍
湘水回九曲衡山望五峯榮君按節去不及遠相從

送陽山人歸嵩山

我有萬古宅嵩陽玉女峰長留一片月掛在東溪松
爾去掇仙草曾蒲花紫茸歲晚或相訪青天騎白龍

送通禪師還南陵隱靜寺

我聞隱靜寺山水多奇蹤岩種朗公橘門深杯渡松
道人制猛虎振錫還孤峰他日南陵下相期谷口逢

聽蜀僧濬弹琴

蜀僧抱綠綺西下蛾眉峰為我一揮手如聽萬壑松
客心洗流水餘響入霜鍾不覺碧山暮秋雲暗幾重

杜集

李監宅

二首其二

尚覺王孫貴豪家意頗濃屏開金孔雀褥隱繡芙蓉
止食雙魚美誰看異味重門闌多昔色女婿近乘龍

謁真諦寺禪師

蘭若以者切山高處烟霞障幾重凍泉依細石晴雪落

長松問法看詩妄親身向酒樽未能割妻子卜宅近
前峯

巴西驛亭觀漲呈竇十五使君

宿雨南江漲波濤亂遠峰孤亭凌噴薄萬井逼春容
霄漢愁高鳥泥沙困老龍天邊同客舍携我豁心胸

庭草

楚草經寒碧庭春入眼濃舊低收葉舉新捲捲牙重
步履宜輕過開筵得屢供看花隨節序不敢強為容

惠義寺送王少尹赴成都分得峰字

蕭蕭谷中寺始始林表峰闌干上處遠結構坐來重
騎馬行春徑衣冠起暮鍾雲門青寂寂此別惜相從

韓集

大行皇太后挽歌詞

威儀備吉凶文物雜軍容配地行新祭因山託故封
鳳飛終不返劍化會相從無復臨長樂空聞報曉鍾

五言排律

正聲

棲霞寺東峯尋南齊明徵君故君

劉長卿

山人今不見山鳥自相從長咲思齊主終身卧此峯
泉源通石迳澗戶掩塵容古墓依寒草前朝寄老松
片雲生半壁萬壑徧踈鍾惆悵長空去猶疑林下逢

類編

南宮夜直見李給事封題其日所下勅制
知奏直在東省因以詩寄 令狐楚

番直同遙夜嚴扃限幾重青編書白雀黃紙降蒼龍
北極絲綸句東垣翰墨蹤尚垂玄露點猶識紫泥封

炫眼凝仙燭馳心裏禁鍾定應勞夢寐暫似接音容
玉樹春枝動金尊蠟醞濃在朝君最舊休論許過從

杜集

傷春

五首
其一

天下兵雖滿春光日自濃西京疲百戰北關任群兇
關塞三千里烟花一萬重蒙塵清露急御宿且誰供
殷復前王道周遷舊國容蓬萊是雲氣應合摠從龍

七言絕句

正音

宮中詞

王建

金殿當頭紫閣重仙人掌上玉芙蓉太平天子朝元
日五色雲車駕六龍

栢林寺南望

郎士元

谿上遙聞精舍鐘泊舟微徑度深松青山霽後雲猶
在盡出西南三四峯

元和甲午歲詔書盡徵江湘逐客余自武
陵赴京宿於都亭有懷續來諸君子

劉禹錫

雷雨江湘起卧龍武陵樵客躡仙蹤十年楚水楓林
下今夜初聞長樂鍾

憶住一師

李商隱

無事經年別遠公帝城鍾曉憶西峯
爐烟銷盡寒燈
晦童子開門雪滿松

秋思

張籍

洛陽城裏見秋風欲作家書意萬重
復恐匆匆說不盡行人臨發又開封

寄李渤

五渡溪頭躑躅紅嵩陽寺裏講時鍾
春山處處行應

好一月看花到幾峰

遺響

逢鄭三遊山

盧仝

相逢之處花茸茸峭壁攢峯千萬重
他日期君何處好寒流石上一株松

開元寺

李涉

宿雨初收草木濃群鴉飛散下堂鍾
長廊無事僧歸院盡日門前獨看松

三體

送三藏歸西域

李洞

十萬里程多少難
沙中彈舌授降龍
五天到日應頭
白月落長安
半夜鍾

游嘉陵後溪

薛能

山屐經過滿徑蹤
隔溪遙見夕陽春
當時諸葛成何
事只合終身作卧龍

李集

登廬山五老峯

廬山東南五老峯
青天削出金芙蓉
九江秀色可攬
結吾將此地巢雲松

清平調詞

雲想衣裳花想容
春風拂檻露華濃
若非群玉山頭
見會向瑤臺月下逢

韓集

峽石西泉

居然鱗介不能容
石眼環環水一鍾
聞說旱時求得
雨祇疑科斗是蛟龍

芍藥

浩態狂香昔未逢
紅燈燦燦綠盤籠
覺來獨對情為
恐身在仙宮第幾重

七言律詩

正音

和李員外扈駕幸溫泉宮

錢起

未央月撓度
踈鍾鳳輦時
巡出九重雪
霽山門迎瑞
日雲開水殿
候飛龍輕寒
不入宮中樹
佳氣常浮仗
外峯遙羨枚
臯扈仙躡偏
承霄漢渥恩
濃

遺響

尋郭道士不遇

白居易

郡中乞假來相訪
洞裏朝元去不逢
看院祇留雙白
鶴入門惟見一青松
藥爐有火丹應伏
雲碓無人水
自春欲問叅同契
中事未知何日得相從

三體

鄂州寓嚴澗宅

元稹

鳳有高梧鶴有松
偶來江外寄行蹤
花枝滿院空啼
鳥塵榻無人憶
卧龍心想夜閑
惟足夢眼看春
盡不

相逢何時最是思君處月入斜窓曉寺鍾

鼓吹

柳州寄丈人周韶州

柳宗元

越絕孤城千萬重空齋不語坐高春印文生綠經
合硯匣晉塵盡日封梅嶺寒烟歲翡翠桂江秋水露
鷓鴣丈人本自忘機事為想年來顛雜容

同劉二十八哭呂衡州兼寄江陵李元二

侍御

衡嶽新摧天柱峰士林顛顛泣相逢祇今文字傳青

簡不使功名上景鍾三畝空留懸磬石室九原猶

堂封遙想荊州人物論幾回終夜惜元龍

井絡

李商隱

井絡天彭一掌中謾誇天設劍為峰陣圖東聚烟江
石邊柝西懸雪嶺松堪嘆故君成杜宇可能先主是
真龍將來為報姦雄輩莫向金牛傲奮蹤

寄中書同年舍人

楊巨源

晴明紫閣最高峯仙掖開簾范彥龍五色天書詞煥
爛九華春殿語從容絲毫應染爐烟細清佩仍含玉

漏重二十年前同日喜碧霄何路得相逢

宴楊附馬山亭

朱灣

垂楊拂岸草茸茸綉戶窓前花影重
繪下玉盤紅綉細酒開金甕綠醅濃
中朝附馬何半叔南國詞人陸士龍
落日泛舟同醉處回潭百丈映千峰

深宮

李商隱

金殿香銷閉綺籠玉壺傳點咽銅龍
狂飈不惜羅陰薄清露偏知桂葉濃
班竹嶺邊無限淚紫陽宮裏及時鍾
豈知為雨為雲意只有高唐十二峯

無題

來是空言去絕蹤月斜樓上五更鍾
夢為遠別啼難喚書被催成墨未濃
蠟燭半籠金翡翠麝香教度綉芙蓉
劉郎已恨蓬山遠更隔蓬山一萬重

鄭州獻從叔舍人

蓬島烟霞闋苑鍾三官殿奏附金龍
茅君乘世仙曹貴許掾全家道氣濃
絳簡尚存黃紙按丹爐猶用紫泥封
不知他日章陽洞許上經樓第幾重

清明日江南

鄭準

吳山楚驛四年中一見清明一改容
旅恨共風連夜起韶光隨酒著人
濃延興門外攀花別采石江頭帶
雨逢無計歸心何日是路邊戈甲
正重重

送宮人入道

于鵠

十載吹笙入漢宮看修水殿種芙蓉
自傷白髮辭金屋喜戴黃冠向雪峰
解語老猿開曉戶引雛飛鶴下高
松定知別後宮中伴遙聽緱山半
夜鍾

灞陵道中

常衮

春橋南望水溶溶一桁青山倒碧峰
秦苑落花零露

濕灞陵新酒撥醅濃青龍天矯盤雙闕
丹鳳襪徒隔九重萬古行人離別地
不堪吟罷夕陽鍾

感懷呈所知

譚用之

十年流落賦歸鴻誰傍昏衢駕燭龍
竹屋亂烟思梓澤酒家踈雨夢臨邛
千年別恨調琴懶一片年光覽鏡慵
早晚休歌白石爛放教歸去卧群峰

五峯隱者

薛逢

煙霞壁立水溶溶路轉崖回旦暮中
鷄鶻畏人沉澗月山羊投石掛巖松
高齋既許陪雲宿晚稻何妨為

客春今日見君嘉
遊處悔將名利役
踈慵第二韵中
字出一東

詩選

上張弘靖相公

王逖

傳封三世盡河東
家占中條第一峯
早歲天教作霖雨
明時帝用補山龍
草開舊路沙痕在
日照新池鳳跡重
卑散自知霄漢隔
若為門下賜從容

寄上翰林蕭公

温庭筠

人間鴛鴦香難從
獨恨金扉直九重
萬象曉歸仁壽

鏡百花春隔景陽
鍾紫微芒動詞初出
紅蠟香殘話未封
每過朱門愛庭樹
一枝何日許相容

送冷朝陽擢第後歸金陵

錢起

策子書歸今始好
潘園景色夏偏濃
夕陽流水吟詩去
明月青山出竹逢
兄弟相歡初讓果
鄉人爭賀舊登龍
佳期少別俄千里
雲樹遙看歷幾重

光嶽英華

漢武出猶

錢起

漢家無事樂時雍
羽獵年年出九重
玉帛不期金闕

路旌旗長繞綵霞峯且貪原獸輕黃屋寧畏漢人犯
白龍薄暮方歸長樂觀垂楊幾處綠烟濃

杜集

諸將第三

洛陽宮殿化為烽休道秦關百二重滄海未全歸禹
貢薊門何處覓堯封朝廷衮職雖多預天下軍儲不
自供稍喜臨邊王相國肯銷金甲事春農

暮登西安寺鍾樓寄裴十迪

暮倚高樓對雪峰僧來不語自鳴鍾孤城返照

紅將歛近市浮烟翠且重多病獨愁常聞寂故人相
見未從容知君苦思緣詩瘦太向交游萬事慵

三江

五言絕句

遺響

獨酌

杜牧

窓外正風雪擁爐開酒缸何如釣般雨蓬底睡秋江

巴江柳

李商隱

巴江可惜柳柳色綠侵江好向金盞殿移陰入綺窓

柳枝

畫屏繡步障物物自成雙如何湖上望只是見鴛鴦

五言律詩

三體

得日觀東房

李質

曾入桃源路桃源信少雙洞霞飄素練壁鮮畫陰牕
古木疑撐月危峰欲墮江自吟空向寂誰與倒秋缸

杜集

李秋蘇五第纓江樓夜宴崔十三評事

少府姪三首

對月那無酒登樓况有江聽歌驚白鬢笑舞拓秋窓
樽蟻添相續沙鷗並一雙盡憐君醉倒更覺片心降

韓集

奉酬天平馬十二僕射暇日言懷見寄之

作

天平篇什外政事亦無雙威令加徐土儒風被魯邦
清為公論重寬得士心降歲晏偏相憶長謠坐北窓

七言絕句

遺響音

聞樂天左降江州

元稹

殘燈無燄影幢幢此夕聞君謫九江
垂死病中驚起坐暗風吹雨入寒窓

七言律詩

鼓吹

寄唐州李尚書

獨孤及

累代功勳照世光奚胡聞道死心降
攻書筆禿三千管領節門排十六雙
先揖耿弇整籍籍今有黃雲朝事

縱縱時人歎識胸襟否彭蠡秋連萬頃江

杜集

進艇

南京久客耕南畝北望傷神坐北窓
書引老妻乘小艇晴看稚子浴清江
俱飛蛺蝶元相逐並帶芙蓉本自雙
茗飲蔗漿攜所有瓷罌無謝玉為缸

雅音會編卷之一畢


糸米

新古今

自物類聚... 卷之...

糸米

糸米



Handwritten characters in the bottom left corner of the cover, likely a library or collection mark.